

六
典
通
考

六典通考卷五十七

湖西閻鎮珩輯

醫政考

醫政

古者民茹草飲水采樹木之實食羸蠃之肉時多疾病
毒傷之害於是神農乃始教民播種五穀相土地宜燥
溼肥瘠高下嘗百草之滋味水泉之甘苦令民知所選
就當此之時一日而遇七十毒神農稽首再拜問於太
一小子曰鑿井出泉五味煎煮口別生熟後乃食咀男
女異利子識其父曾聞太古之時人壽過百無殂落之
咎獨何氣使然邪太一小子曰天有九門中道最良日

月行之名曰國皇字曰老人出見南方長生不死眾耀

同光神農乃從其嘗藥以救人命

述異記太原神釜岡有神農嘗藥之鼎存焉

成陽山中有神農鞭藥處一名神農原藥草山上紫陽觀世傳神農於此辨百草中有千年龍腦搜神

記神農以楮鞭鞭百草盡知其平毒寒溫之性臭味所主以播百穀故天下號神農也上藥一百

二十種爲君主養命以應天無毒多服久服不傷人欲

輕身益氣不老延年者本上經中藥一百二十種爲臣

主養性以應人無毒有毒斟酌其宜欲遏病補虛羸者

本中經下藥一百二十五種爲佐使主治病以應地多

毒不可久服欲除寒熱邪氣破積聚愈病者本下經三

品合三百六十五種法三百六十五度一度應一日以

成一歲

博物志神農經曰上藥養命謂五石之鍊形六芝之延年也中藥養性謂合歡獨忿萱草忘憂

下篇治病謂大黃除實當歸止痛夫命之所以延性之
所以利病之所以止當其藥應以病也逮其藥失其應
則鬼神矣黃帝命雷公岐伯論經脈旁通問難八十

爲難經教制九針著內外術經十八卷

漢書黃帝內經十八卷外經三

十七

四氣調神大論曰春三月此謂發陳天地俱生萬

物以榮夜臥早起廣步於庭被髮緩形以使志生生而
勿殺予而勿奪賞而勿罰此春氣之應養生之道也逆
之則傷肝夏爲寒變奉長者少夏三月此謂蕃秀天地
氣交萬物華實夜臥早起無厭於日使志無怒使華英
成秀使氣得泄若所愛在外此夏氣之應養長之道也
逆之則傷心秋爲痠瘡奉收者少冬至重病秋三月此
謂容平天氣以急地氣以明早臥早起與雞俱興使志

安寧以緩秋刑收斂神氣使秋氣平無外其志使肺氣清此秋氣之應養收之道也逆之則傷肺冬爲養泄奉藏者少冬三月此謂閉藏水冰地坼無擾乎陽早臥晚起必待日光使志若伏若匿若有私意若已有得去寒就溫無泄皮膚使氣亟奪此冬氣之應養藏之道也逆之則傷腎春爲痿厥奉生者少天氣清淨光明者也藏德不止故不下也天明則日月不明邪害空竅陽氣者閉塞地氣者冒明雲霧不精則上應白露不下交通不表萬物命故不施不施則名木多死惡氣不發風雨不節白露不下則苑彙不榮賊風數至暴雨數起天地四時不相保與道相失則未央絕滅唯聖人從之故身無

膏病萬物不失主氣不竭逆春氣則少陽不生肝氣內
變逆夏氣則太陽不長心氣內洞逆秋氣則太陰不收
肺氣焦滿逆冬氣則少陰不藏腎氣獨沈夫四時陰陽
者萬物之根本也所以聖人春夏養陽秋冬養陰以從
其根故與萬物沈浮於生長之門逆其根則伐其本壞
其真矣故陰陽四時者萬物之終始也死生之本也逆
之則災害生從之則苛疾不起是謂得道道者聖人行
之愚者佩之從陰陽則生逆之則死從之則治逆之則
亂反順爲逆是謂內格是故聖人不治已病治未病不
治已亂治未亂此之謂也夫疾已成而後藥之亂已成
而後治之譬猶渴而穿井鬪而鑄兵不亦晚乎五常政

大論曰黃帝問曰太虛寥廓五運迴薄衰盛不同損益相從願聞平氣何如而名何如而紀也岐伯對曰昭乎哉問也木曰敷和火曰升明土曰備化金曰審平水曰靜順帝曰其不及奈何岐伯曰木曰委和火曰伏明土曰卑監金曰從革水曰涸流帝曰太過何謂岐伯曰木曰發生火曰赫曦土曰敦阜金曰堅成水曰流衍帝曰三氣之紀願聞其候岐伯曰悉乎哉問也敷和之紀木德周行陽虛陰布五化宣平其氣端其性隨其用曲直其化生榮其類草木其政發散其候溫和其令風其藏肝肝其畏清其主目其穀麻其果李其實核其應春其蟲毛其畜犬其色蒼其養筋其病裏急支滿其味酸其

音角其物中堅其數八升明之紀正陽而治德施周普
五化均衡其氣高其性速其用燔灼其化蕃茂其類火
其政明曜其候炎暑其令熱其藏心心其畏寒其主舌
其穀麥其果杏其實絡其應夏其蟲羽其畜馬其色赤
其養血其病咽癰其味苦其音徵其物脈其數七備化
之紀氣協天休德流四政五化齊脩其氣平其性順其
用高下其化豐滿其類土其政安靜其候溽蒸其令溼
其藏脾脾其畏風其主口其穀稷其果棗其實肉其應
長夏其蟲倮其畜牛其色黃其養肉其病否其味甘其
音宮其物膚其數五審平之紀收而不爭殺而無犯五
化宣明其氣潔其性剛其用散落其化堅斂其類金其

政勁肅其候清切其令燥其藏肺肺其畏熱其主鼻其穀稻其果桃其實穀其應秋其蟲介其畜雞其色白其養皮毛其病欬其味辛其音商其物外堅其數九靜順之紀藏而勿害治而善下五化成整其氣明其性下其用沃衍其化凝堅其類水其政流演其候凝肅其令寒其藏腎腎其畏溼其主二陰其穀豆其果栗其實濡其應冬其蟲鱗其畜豕其色黑其養骨髓其病蹶其味鹹其音羽其物濡其數六故生而勿殺長而勿割化而勿制收而勿害藏而勿抑是謂平氣委和之紀是謂勝生生氣不政化氣迺揚長氣自平收令迺早涼雨時降風雲竝興草木晚榮蒼乾凋落物秀而實膚肉內充其氣

斂其用聚其動縵戾拘緩其發驚駭其藏肝其果棗李
其實核殼其穀稷稻其味酸辛其色白蒼其畜犬雞其
蟲毛介其主霧露淒滄其聲角商其病搖動注恐從金
化也少角與判商同上角與正角同上商與正商同其
病支廢癰腫瘡瘍其甘蟲邪傷肝也上宮與正宮同請
壓肅殺則炎赫沸騰雷於三所謂復也其主飛蠹蛆雉
迺爲雷霆伏明之紀是謂勝長長氣不宜藏氣反布收
氣自政化令迺衡寒清數舉暑令迺薄承化物生生而
不長成實而穉遇化已老陽氣屈伏蟄蟲早藏其氣鬱
其用暴其動彰伏變易其發痛其藏心其果栗桃其實
絡濡其穀豆稻其味苦鹹其色玄丹其畜馬彘其蟲羽

鱗其主冰雪霜寒其聲徵羽其病昏惑悲忘從水化也
少徵與少羽同上商與正商同邪傷心也凝慘凜冽則
暴雨霖霖霑於九其主驟注雷霆震驚沈黔淫雨卑監
之紀是謂滅化化氣不令生政獨彰長氣整雨迺愆收
氣平風寒竝興草木榮美秀而不實成而耗也其氣散
其用靜定其動瘍涌分潰癰腫其發濡滯其藏脾其果
李栗其實濡核其穀豆麻其味酸甘其色蒼黃其畜牛
犬其蟲保毛其主飄怒振發其聲宮角其病畱滿否塞
從木化也少宮與少角同上宮與正宮同上角與正角
同其病餐泄邪傷脾也振拉飄揚則蒼乾散落其眚四
維其主敗折虎狼清氣迺用生政迺辱從革之紀是謂

折收收氣迺後生氣迺揚長化合德火政迺宣庶類以
蕃其氣揚其用躁切其動銛禁督厥其發欬喘其藏肺
其果李杏其實殼絡其穀麻麥其味苦辛其色白丹其
畜雞羊其蟲介羽其主明曜炎燥其聲商徵其病噫欬
剽衄從火化也少商與少徵同上商與正商同上角與
正角同邪傷肺也炎光赫烈則冰雪霜雹害於七其主
鱗伏羲鼠歲氣早至迺生大寒涸流之紀是謂反陽藏
令不舉化氣迺昌長氣宣布蟄蟲不藏土潤水泉減草
木條茂榮秀滿盛其氣滯其用滲泄其動堅止其發燥
槁其藏腎其果棗杏其實濡肉其穀黍稷其味甘鹹其
色黔玄其畜豕牛其蟲鱗倮其主埃鬱昏翳其聲羽宮

其病痿厥兼下從土化也少羽與少宮同上宮與正宮同其病癰閉邪傷腎也埃昏驟雨則振拉摧拔眚於一其主毛顯狐貉變化不藏故乘危而行不速而至暴虐無德災反及之微者復微甚者復甚氣之常也發生之紀是謂啟敕土疏泄蒼氣達陽和布化陰氣迺隨生氣淳化萬物以榮其化生其氣美其政散其令條舒其動掉眩巔疾其德鳴靡啟坼其變振拉摧拔其穀麻稻其畜雞犬其果李桃其色青黃白其味酸甘辛其象春其經足厥陰少陽其藏肝脾其蟲毛介其物中堅外堅其病怒太角與上商同上徵則其氣逆其病吐利不務其德則收氣復秋氣勁切甚則肅殺清氣大至草木凋零

邪迺傷肝赫曦之紀是謂蕃茂陰氣內化陽氣外榮炎
暑施化物得以昌其化長其氣高其政動其令鳴顯其
動炎灼妄擾其德暄暑鬱蒸其變炎烈沸騰其穀麥豆
其畜羊彘其果杏栗其色赤白玄其味苦辛鹹其象夏
其經手少陰太陽手厥陰少陽其藏心肺其蟲羽鱗其
物脈濡其病笑瘡瘡瘍血流狂妄目赤上羽與正徵同
其收齊其病瘞上徵而收氣後也暴烈其政藏氣迺復
時見凝慘甚則雨水霜雹切寒邪傷心也敦阜之紀是
謂廣化厚德清靜順長以盈至陰內實物化充成煙埃
朦鬱見於厚土大雨時行溼氣迺用燥政迺辟其化圓
其氣豐其政靜其令周備其動濡積并穡其德柔潤重

淖其變震驚飄驟崩潰其穀稷麻其畜牛犬其果棗李
其色齡玄蒼其味甘鹹酸其象長夏其經足太陰陽明
其藏脾腎其蟲倮毛其物肌核其病腹泄四支不舉大
風迅至邪傷脾也堅成之紀是謂收引天氣潔地氣明
陽氣隨陰治化燥行其政物以固成收氣繁布化治不
終其化成其氣削其政其令銳切其動暴折瘍疰其
德霧露肅麗其變肅殺凋零其穀稻黍其畜雞馬其果
桃杏其色白青丹其味辛酸苦其象秋其經手太陰陽
明其藏肺肝其蟲介羽其物殼絡其病喘喝胸憑仰息
上徵與正商同其生齊其病欬政暴變則名木不榮柔
脆焦首長氣斯救大火流炎燠且至蔓將槁邪傷肺也

流衍之紀是謂封藏寒司物化天地嚴凝藏政以布長
令不揚其化凜其氣堅其政謚其令流注其動漂泄沃
涌其德凝慘寒雰其變冰雪霜雹其穀豆稷其畜彘牛
其果栗棗其色墨丹黔其味鹹苦甘其象冬其經足少
陰大陽其藏腎心其蟲鱗倮其物濡滿其病脹上羽而
長氣不化也政過則化氣大舉而埃昏氣交大雨時降
邪傷腎也故曰不恆其德則所勝來復政恆其理則所
勝同化此之謂也帝曰天不足西北左寒而右涼地不
滿東南右熱而左溫其故何也岐伯曰陰陽之氣高下
之理太少之異也東南方陽也陽者其精降於下故右
熱而左溫西北方陰也陰者其精奉於上故左寒而右

涼是以地有高下氣有溫涼高者氣寒下者氣熱故適寒涼者脹之溫熱者瘡下之則脹已汗之則瘡已此湊理開閉之常太少之異耳帝曰其於壽夭何如岐伯曰陰精所奉其人壽陽精所降其人夭帝曰善其病也治之奈何岐伯曰西北之氣散而寒之東南之氣收而溫之所謂同病異治也故曰氣寒氣涼治以寒涼行水漬之氣溫氣熱治以溫熱強其內守必同其氣可使平也假者反之帝曰善一州之氣生化壽夭不同其故何也岐伯曰高下之理地勢使然也崇高則陰氣治之污下則陽氣治之陽勝者先天陰勝者後天此地理之常生之道也帝曰其有壽夭乎岐伯曰高者其氣壽下者

其氣天地之小大異也小者小異大者大異故治病者
必明天道地理陰陽更勝氣之先後人之壽天生化之
期乃可以知人之形氣矣帝曰善其歲有不病而藏氣
不應不用者何也岐伯曰天氣制之氣有所從也帝曰
願卒聞之岐伯曰少陽司天火氣下臨肺氣上從白起
金用草木告火見燔病革金且耗大暑以行欬嚏衄衄
鼻窒瘡瘍寒熱肘腫風行於地塵沙飛揚心痛胃脘痛
厥逆鬲不通其主暴速陽明司天燥氣下臨肝氣上從
蒼起木用而立土迺眚淒滄數至木伐草萎脇痛目赤
掉振鼓慄筋痿不能久立暴熱至土迺暑陽氣鬱發小
便變寒熱如瘧甚則心痛火行子葉流水不冰蟄蟲迺

見太陽司天寒氣下臨心氣上從而火且明丹起金迺
害寒清時舉甚則水冰火氣高明心熱煩噤乾善渴則
噫喜悲數欠熱氣妄行寒迺復霜不時降善忘甚則心
痛土迺潤水豐衍寒客至沈陰化溼氣變物水飲內穢
中滿不食皮癢肉苛筋脈不利甚則肘腫身後癰厥陰
司天風氣下臨脾氣上從而土且隆黃水起迺眚土用
革體重肌肉萎食減口爽風行太虛雲物搖動目轉耳
鳴火縱其暴地迺暑大熱消爍赤沃下熱蟲數見流水
不冰其發機速少陰司天熱氣下臨肺氣上從白起金
用草木害喘嘔寒熱噤則衄鼻窒大暑流行甚則瘡瘍
燔灼金爍石流地迺燥槁淒滄數至脇痛善太息肅殺

行草木變太陰司天溼氣下臨腎氣上從黑起水埃冒
雲雨胸中不利陰痿氣大衰而不起不用當其時反腰
脰痛動轉不便也厥逆地迺藏陰大寒且至蟄蟲早附
心下否痛地裂冰堅少腹痛時害於食乘金則止水增
味迺鹹行水減也帝曰歲有胎孕不育治之不全何氣
使然岐伯曰六氣五類有相勝制也同者盛之異者衰
之此天地之道生化之常也故厥陰司天毛蟲靜羽蟲
育介蟲不成在泉毛蟲育倮蟲耗羽蟲不育少陰司天
羽蟲靜介蟲育毛蟲不成在泉羽蟲育介蟲耗不育太
陰司天倮蟲靜鱗蟲育羽蟲不成在泉倮蟲育鱗蟲不
成少陽司天羽蟲靜毛蟲育倮蟲不成在泉羽蟲育介

六典通考

卷五十七

十

蟲耗毛蟲不育陽明司天介蟲靜羽蟲育介蟲不成在
泉介蟲育毛蟲耗羽蟲不成太陽司天鱗蟲靜保蟲育
在泉鱗蟲耗保蟲不育諸乘所不成之運則甚也故氣
主有所制歲立有所生地氣制已勝天氣制勝已天制
色地制形五類衰盛各隨其氣之所宜也故有胎孕不
育治之不全此氣之常也所謂中根也根於外者亦五
故生化之別有五氣五味五類五色五宜也帝曰何謂
也岐伯曰根於中者命曰神機神去則機息根於外者
命曰氣立氣止則化絕故各有制各有勝各有生各有
成故曰不知年之所加氣之同異不足以言生化此之
謂也帝曰氣始而生化氣散而有形氣布而蕃育氣終

而象變其致一也然而五味所資生化有厚薄成熟有少多終始不同其故何也岐伯曰地氣制之也非天不生地不長也帝曰願聞其道岐伯曰寒熱燥溼不同其化也故少陽在泉寒毒不生其味辛其治苦酸其穀蒼丹陽明在泉溼毒不生其味酸其氣溼其治辛苦甘其穀丹素太陽在泉熱毒不生其味苦其治淡鹹其穀黔耜厥陰在泉清毒不生其味甘其治酸苦其穀蒼赤其氣專其味正少陰在泉寒毒不生其味辛其治辛苦甘其穀白丹太陰在泉燥毒不生其味鹹甘其氣熱其治甘鹹其穀黔耜化溇則鹹守氣專則辛化而俱治故曰補上下者從之治上下者逆之以所在寒熱盛衰而調

之故曰上取下取內取外取以求其過能毒者以厚藥
不勝毒者以薄藥此之謂也氣反者病在上取之下病
在下取之上病在中傍取之治熱以寒溫而行之治寒
以熱涼而行之治溫以清冷而行之治清以溫熱而行
之故消之制之吐之下之補之寫之久新同法帝曰病
在中而不實不堅且聚且散柰何岐伯曰悉乎哉問也
無積者求其藏虛則補之藥以祛之食以隨之行水漬
之和其中外可使畢已帝曰有毒無毒服有約乎岐伯
曰病有久新方有大小有毒無毒固宜常制矣大毒治
病十去其六常毒制病十去其七小毒治病十去其八
無毒治病十去其九穀肉果菜食養盡之無使過之傷

其正也不盡行復如法必先歲氣無伐天和無盛盛無
虛虛而遺人天殃無致邪無失正絕人長命帝曰其久
病者有氣從不康病去而瘡柰何岐伯曰昭乎哉聖人
之問也化不可代時不可違夫經絡以通血氣以從復
其不足與眾齊同養之和之靜以待時謹守其氣無使
傾移其形迺彰生氣以長命曰聖王故大要曰無代化
無違時必養必和待其來復此之謂也帝曰善天元紀
大論云黃帝問曰天有五行御五味以生寒暑燥溼風
人有五藏化五氣以生喜怒憂思恐論言五運相襲而
皆治之終期之日周而復始余已知之矣願聞其與三
陰三陽之候柰何合之鬼臾區稽首再拜對曰昭乎哉

問也夫五運陰陽者天地之道也萬物之紀綱變化之
父母生殺之本始神明之府也可不通乎故物生謂之
化物極謂之變陰陽不測謂之神神用無方謂之聖夫
變化之爲用也在天爲玄在人爲道在地爲化化生五
味道生智玄生神神在天爲風在地爲木在天爲熱在
地爲火在天爲溼在地爲土在天爲燥在地爲金在天
爲寒在地爲水故在天爲氣在地成形形氣相感而化
生萬物矣然天地者萬物之上下也左右者陰陽之道
路也水火者陰陽之徵兆也金木者生成之終始也氣
有多少形有盛衰上下相召而損益彰矣帝曰願聞五
運之主時也何如鬼臾區曰五氣運行各終期日非獨

主時也帝曰願聞其所謂也鬼臾區曰臣積考太始天元冊文曰太虛廖廓肇基化元萬物資始五運終天布氣真靈總統坤元九星懸朗七曜周旋曰陰曰陽曰剛曰柔幽顯既位寒暑弛張生生化化品物咸章臣斯十世此之謂也帝曰善何謂氣有多少形有盛衰鬼臾區曰陰陽之氣各有多少故曰三陰三陽也形有盛衰謂五行之治各有太過不及也故其始也有餘而往不足隨之不足而往有餘從之知迎知隨氣可與期應天爲天符承歲爲歲直三合爲治帝曰上下相召柰何鬼臾區曰寒暑燥溼風火天之陰陽也三陰三陽上奉之木火土金水火地之陰陽也生長化收藏下應之天以陽

生陰長地以陽殺陰藏天有陰陽地亦有陰陽木火土金水火地之陰陽也生長化收藏故陽中有陰陰中有陽所以欲知天地之陰陽者應天之氣動而不息故五歲而右遷應地之氣靜而守位故六期而環會動靜相召上下相臨陰陽相錯而變由生也帝曰上下周紀其有數乎鬼臾區曰天以六爲節地以五爲制周天氣者六期爲一備終地紀者五歲爲一周君火以明相火以位五六相合而七百二十氣爲一紀凡三十歲千四百四十氣凡六十歲而爲一周不及太過斯皆見矣帝曰夫子之言上終天氣下畢地紀可謂悉矣余願聞而藏之上以治民下以治身使百姓昭著上下和親德澤下

流子孫無憂傳之後世無有終時可得聞乎鬼臾區曰
至數之機迫迨以微其來可見其往可追敬之者昌慢
之者亡無道行私必得天殃謹奉天道請言真要帝曰
善言始者必會於終善言近者必知其遠是則至數極
而道不惑所謂明矣願夫子推而次之令有條理簡而
不置久而不絕易用難忘爲之綱紀至數之要願盡聞
之鬼臾區曰昭乎哉問明乎哉道如鼓之應桴響之應
聲也臣聞之甲己之歲土運統之乙庚之歲金運統之
丙辛之歲水運統之丁壬之歲木運統之戊癸之歲火
運統之帝曰其於三陰三陽合之柰何鬼臾區曰子午
之歲上見少陰丑未之歲上見太陰寅申之歲上見少

陽卯酉之歲上見陽明辰戌之歲上見太陽巳亥之歲
上見厥陰少陰所謂標也厥陰所謂終也厥陰之上風
氣主之少陰之上熱氣主之太陰之上溼氣主之少陽
之上相火主之陽明之上燥氣主之太陽之上寒氣主
之所謂本也是謂六元帝曰光乎哉道明乎哉論請著
之玉版藏之金匱署曰天元紀

上古文字簡略而世傳素問一書顯煩數萬言

知作軒后之舊矣然精微奧博語多至道其亦緩和學扁之流依託以立言者乎

醫師掌醫之政令聚毒藥以共醫事

毒藥藥之辛苦者藥之物恆多毒孟子曰若藥

不順眩厥疾不瘳

凡邦之有疾病者疖瘍者造焉則使醫分而治之

疖頭瘍亦謂禿也身傷曰瘍分之者醫各有能

歲終則稽其醫事以制其食十全爲

上十失一次之十失二次之十失三次之十失四爲下

也食祿全

痊愈也以失四為下者
五則半矣或不治自愈

疾醫掌養萬民之疾病四時皆有

癘疾春時有痾首疾夏時有痒疥疾秋時有瘧寒疾冬時有

嗽上氣疾

癘疾氣不和之疾瘖酸削也首疾頭痛也以五味

五穀五藥養其病

養猶治也病由氣勝負而生攻其贏養其

黍稷麥豆五藥草木蟲石穀也其治

以五氣五聲五色眡其

死生

三者則存乎神農子儀之術云五氣五藏所出氣也肺氣熱

用也五色面貌青赤白黑黃也察其盈虛兩之以九竅之變

參之以九藏之動兩參之者以觀其死生之驗竅之變謂開

不至正藏五又有胃膀胱大腸小腸脈之大候要在陽明凡

民之有疾病者分而治之死終則各書其所以而入於醫師

少者曰死老者曰終所以謂治之不治之

狀也醫師得以制其祿且為後治之戒

瘍醫掌腫瘍潰

瘍金瘍折瘍之祝藥刮殺之齊

腫瘍癰而上生創者潰瘍癰而含膿血者金瘍刀創也折

瘍踣跌者祝當為注讀如注病之注聲之誤也

凡療瘍以五

毒攻之

止病曰療攻治也五毒五藥之有毒者今醫方有五毒之藥作之合黃堊置石膽丹砂雄黃礬石慈石其

中燒之三日三夜其煙上著以雞羽掃取之以注創惡肉破骨則盡出

以五氣養之以五藥療

之以五味節之

既刮殺而攻盡其宿肉乃養之也五氣凡藥當為五穀字之誤也節節成其藥之力

以酸養骨以辛養筋以鹹養脈以苦養氣以甘養肉以滑養

竅

以類相養也酸木味木根立地中似骨辛金味金之經異物似筋鹹水味水之流行地中似脈苦火味火出入無

形似氣甘土味土含載四者似肉滑滑石也凡諸滑物通利往來似竅凡有瘍者受其藥焉

孟夏聚畜百藥

古者有災者謂之厲君一時素服使有司

弔死問疾憂以巫鑿匍匐以抹之湯粥以方之善者先乎矜

寡孤獨及疾不能相養死無以葬埋者葬埋之

日知錄古之時庸醫殺人今之時庸醫不殺人亦不活人
使其人在不死不活之間其病日深而卒至於死夫藥有
君臣人有強弱有君臣則用有多少有強弱則劑有半倍
多則專專則效速倍則厚厚則其力深今之用藥者大抵
雜泛而均停既見之不明而又治之不勇病所以不能愈
也而世但以不殺人爲賢豈知古之上醫不能無失周禮
醫師歲終稽其醫事以制其食十全爲上十失一次之十
失二次之十失三次之十失四爲下是十失三四古人猶
用之而淳于意之對孝文尙謂時時失之臣意不能全也
易曰裕父之蠱往見吝柰何獨取夫裕蠱者以爲其人雖
死而不出於我之爲嗚呼此張禹之所以亡漢李林甫之

所以亡唐也

朱文公與劉子澄書所論四君子湯其意亦略似此

秦秦伯使醫和視之曰疾不可為也是謂近女

疾如蠱

蠱惑疾

非鬼非食惑以喪志

惑女色而失志

良臣將死天命

不祐

良臣不匡救君過故將死而不為天所祐

公曰女不可近乎對曰節之先王

之樂所以節百事也故有五節

五聲之節

遲速本末以相及中聲

以降五降之後不容彈矣

此謂先王之樂得中聲聲成五降而息也降罷退

於是有

煩手淫聲愴堙心耳而忘平和君子弗聽也

五降而不息則雜聲並奏所謂

鄭衛之聲物亦如之

言百事皆如樂不可失節

至於煩乃舍也已無以生疾

煩不

舍則生疾君子之近琴瑟以儀節也非以愴心也

為心之節儀使動不過度天

有六氣

謂陰陽風雨晦明也

降生五味

謂金味辛木味酸水味鹹火味苦土味甘皆由陰陽風雨而生

發為五色

辛色白酸色青鹹色黑苦色赤甘色黃發見也

徵為五聲

白聲商青聲角黑聲羽赤聲徵

黃帝宮淫生六疾淫過也滋味聲色所六氣曰陰陽風雨晦

明也分爲四時序爲五節六氣之化分而序之則過則爲菑

陰淫寒疾寒過則陽淫熱疾熱過則風淫手疾風爲緩急雨

淫腹疾雨淫之氣晦淫惑疾晦夜也爲寢寢明淫心疾也

慮煩多心勞生疾女陽物而晦時淫則生內熱惑蠱之疾女常隨男

家道常晝夜故言晦時今君不節不時能無及此乎出告趙孟趙孟曰

誰當良臣對曰主是謂矣主相晉國於今八年晉國無亂諸

侯無闕可謂良矣和聞之國之大臣榮其寵祿任其大節有

菑禍興而無改焉改改行必受其咎今君至於淫以生疾將

不能圖恤社稷禍孰大焉主不能禦吾是以云也云主趙孟

曰何謂蠱對曰淫溺惑亂之所生也溺沈沒於文皿蟲爲蠱

文字也皿器也器穀之飛亦爲蠱穀久積則變爲蠱在周易女

受蠱害者爲蠱飛蟲名曰蠱惑男風落山謂之蠱三三少男爲山少男而說長女爲風艮爲

惑山木得風而落皆同物也物猶類也趙孟曰良醫也厚其禮而歸之賄

禮之扁鵲過虢虢太子死扁鵲至虢宮門下問中庶子喜方

者曰太子何病國中治穰過於眾事中庶子曰太子病血氣

不時交錯而不得泄暴發於外則爲中害精神不能止邪氣

邪氣蓄積而不得泄是以陽緩而陰急故暴蹙而死扁鵲曰

其死何如時曰雞鳴至今曰收乎曰未也其死未能半日也

言臣齊勃海秦越人也家在於鄭未嘗得望清光侍謁於前

也聞太子不幸而死臣能生之中庶子曰先生得無誕之乎

何以言太子可生也臣聞上古之時醫有俞跗治病不以湯

液體灑鑊石橋引案杭毒熨一撥見病之應因五藏之輸乃

剝皮解肌訣脈結筋搦髓腦撲荒

撲荒膏荒也

爪幕

以爪決其翳幕也

湔

流腸胃漱滌五藏練精易形先生之方能若是則太子可生

也不能若是而欲生之曾不可以告咳嬰之兒終日扁鵲仰

天歎曰夫子之爲方也若以管窺天以郅視文越人之爲方

也不待切脈望色聽聲寫形言病之所在聞病之陽論得其

陰聞病之陰論得其陽病應見於大表不出千里決者至眾

不可曲止也予以吾言爲不誠試入診太子嘗聞其耳鳴而

鼻張循其兩股以至於陰當尙溫也中庶子聞扁鵲言目眩

然而不瞋舌橋然而不下乃以扁鵲言入報虢君虢君聞之

大驚出見扁鵲於中闕曰竊聞高義之日久矣然未嘗得拜

謁於前也先生過小國幸而舉之偏國寡臣幸甚有先生則
活無先生則棄捐填溝壑耳終而不得反言未卒因噓唏服
臆魂精泄橫流涕長漣忽忽承映悲不能自止容貌變更扁
鵲曰若太子病所謂尸歷者也夫以陽入陰中動胃續緣謂脈經繞胃也中經維絡十二經脈十五絡脈陽維陰維之脈也別下於三焦膀胱是
以陽脈下遂陰脈上爭會氣閉而不通陰上而陽內行下內
鼓而不起上外絕而不爲使上有絕陽之絡下有破陰之經
破陰經陽之色已廢脈亂故形靜如死狀太子未死也夫以
陽入陰支蘭藏者生素問云支者順節蘭者橫節陰支蘭膽藏也以陰入陽支蘭
藏者死凡此數事皆五藏歷中之時暴作也良工取之拙者
疑殆扁鵲乃使弟子子陽厲鍼砥石以取外三陽五會素問云

足各有三陰三陽太陰少陰厥陰太陽少陽有間太子蘇乃
陽明也五會謂百會胸會聽會氣會臑會也
使子豹爲五分之熨以八減之齊和煮之以更慰兩脇下
之熨者謂熨之令溫煖之氣入五分也
八減之齊者謂藥之齊和所減有八
太子起坐更適陰陽
但服湯二旬而復故故天下盡以扁鵲爲能生死人扁鵲曰
越人非能生死人也此自當生者越人能使之起耳扁鵲過
齊齊桓侯客之入朝見曰君有疾在腠理不治將深桓侯曰
寡人無疾扁鵲出桓侯謂左右曰醫之好利也欲以不疾者
爲功後五日扁鵲復見曰君有疾在血脈不治恐深桓侯曰
寡人無疾扁鵲出桓侯不悅後五日扁鵲復見曰君有疾在
腸胃閒不治將深桓侯不應扁鵲出桓侯不悅後五日扁鵲
復見望見桓侯而退走桓侯使人問其故扁鵲曰疾之居腠

理也湯熨之所及也其在血脈鍼石之所及也其在腸胃酒醪之所及也其在骨髓雖司命無奈之何今在骨髓臣是以無請也後五日桓侯體病使人召扁鵲扁鵲已逃去桓侯遂死使聖人預知微能使良醫得蚤從事則疾可已身可活也人之所病病疾多而醫之所病病道少故病有六不治驕恣不論於理一不治也輕身重財二不治也衣食不能適三不治也陰陽并藏氣不定四不治也形羸不能服藥五不治也信巫不信醫六不治也有此一者則重難治也扁鵲名聞天下過邯鄲聞貴婦人卽爲帶下醫過雒陽聞周人愛老人卽爲耳目痺醫來入咸陽聞秦人愛小兒卽爲小兒醫隨俗爲

變

史記正義曰胃大一尺五寸徑五寸長二尺六寸橫尺受水穀三斗五升其中常留穀二斗水一斗五升小腸大二寸半徑八分分之少半長三丈二尺受穀二斗四升水六升三合合之大半回腸大四寸徑一寸半長二丈二尺受穀一斗水七升半廣腸大八寸徑二寸半長二尺八寸受穀九升三合八寸半之一故腸胃凡長五丈八尺四寸合受水穀八斗七升六合八分合之一此腸胃長短受水穀之數也肝重四斤四兩左三葉右四葉凡七葉主藏魂心重十二兩中有七孔三毛盛精汁三合主藏神脾重二斤三兩扁廣三寸長五寸有散膏半斤主裹血溫五藏主藏榮肺重三斤三兩六葉兩耳凡八葉主藏魂魄腎有兩枚

重一斤一兩主藏志膽在肝之短葉間重三兩二銖盛精
汁三合胃重二斤十四兩紆曲屈伸長二尺六寸大一尺
五寸徑五寸盛穀二斗水一斗五升小腸重二斤十四兩
長三丈二尺廣二寸半徑八分分之少半迴積十六曲盛
穀二斗四升水六升三合合之太半大腸重二斤十二兩
長二丈一尺廣四寸徑一寸半當齊右迴十六曲盛穀一
斗水七升半膀胱重九兩二銖縱廣九寸盛溺九升九合
口廣二寸半脣至齒長九分齒已後至會厭深三寸半大
容五合也舌重十兩長七寸廣二寸半咽門重十兩廣二
寸半至胃長一尺六寸喉嚨重十二兩廣二寸長一尺二
寸九節肛門重十二兩大八寸徑二寸太半長二尺八寸

受穀九升三合八分合之一手三陽之脈從手至頭長三尺五六合三丈手三陰之脈從手至胸中長三尺五寸三六一丈八尺五六三尺合二丈一尺足三陽之脈從足至頭長八尺六八合四丈八尺足三陰之脈從足至胸長六尺五寸六六三丈六尺合三丈九尺人兩足躋脈從足至目長七尺五寸二七一丈四尺二五一尺合一丈五尺督脈各長四尺五寸二四八尺二五一尺合九尺凡脈長一十六丈二尺也此所謂十二經脈長短之數也寸口脈之大會手太陰之動也人一呼脈行三寸一吸脈行三寸呼吸定息脈行六寸人一日一夜凡一萬三千五百息脈行五十周於身漏水下百刻營衛行陽二十五度行陰二十

五度度爲一周也故五度復會於手太陰寸口者五藏六府之所終始故法於寸口也肺氣通於鼻鼻和則知臭香矣肝氣通於目目和則知白黑矣脾氣通於口口和則知穀味矣心氣通於舌舌和則知五味矣腎氣通於耳耳和則聞五音矣五藏不和則九竅不通六府不和則留爲癰也

六典通考卷五十八

湖口閻鎮珩輯

醫政考

歷代醫政

秦有太醫令李醢

自知能不如扁鵲使人刺殺之

侍醫夏無且

以藥囊提荆軻賜黃金二

百鎰始皇焚書不去者醫藥卜筮之書有欲學者以吏爲師

漢初太醫令丞屬奉常後立太醫監屬少府文帝時詔問故太倉長淳于意方伎所長及所能治病者有其書無有皆安受學受學幾何歲嘗有所驗何縣里人也何病醫藥已其病之狀皆何如具悉而對臣意對曰自意少時喜醫藥醫藥方試之多不驗者至高后八年得見師臨菑元里公乘陽慶慶

年七十餘意得見事之謂意曰盡去而方書非是也慶有古
先道遺傳黃帝扁鵲之脈書五色診病知人生死決嫌疑定
可治及藥論書甚精我家給富心愛公欲盡以我禁方書悉
教公臣意即曰幸甚非意之所敢望也臣意即避席再拜謁
受其脈書上下經五色診奇咳八十一難云奇經八脈者有
陽維有陰維有陽蹻有陰蹻
有衝有督有術揆度陰陽外變藥論石神接陰陽禁書受讀
任有帶之脈解驗之可一年所明歲即驗之有驗然尚未精也要事之三
年所即嘗已爲人治診病決死生有驗精良今慶已死十年
所臣意年盡三年年三十九歲也齊侍御史成自言病頭痛
臣意診其脈告曰君之病惡不可言也即出獨告成弟昌曰
此病疽也內發於腸胃之間後五日當臍腫後八日嘔膿死

成之病得之飲酒且內成卽如期死所以知成之病者臣意

切其脈得肝氣肝氣濁而靜此內關之病也呂廣云脈從關至尺澤名內關

脈法曰脈長而弦不得代四時者王叔和脈經云來數而中

名曰代代者死素問云病在心愈在夏甚於冬病在脾愈在

秋甚於春病在肺愈在冬甚於夏病在腎愈在春甚於夏病

在肝愈在秋其病主在於肝和卽經主病也素問云病得於代

夏甚於秋則絡脈有過素問云脈有不及有太過有經有絡和卽經主

病大則絡有過也呂廣云太過九分出一寸名太

過也不及九分至二分或四分五分此太過不滿一寸見八分或五分六分此不及

得之筋髓裏其代絕而脈實者病得之酒且內所以知其後

五日而嚮腫八日嘔膿死者切其脈時少陽初代代者經病

病去過人人則去絡脈主病當其時少陽初關一分故中熱

而膿未發也及五分則至少陽之界王叔和脈經云分別三門境界脈候所主云從

魚際至高骨卻行一寸其中名曰寸口其骨自高從寸至尺名曰尺澤故曰尺寸後尺前名曰關陽出陰入以關爲界陽出三分故曰三陰三陽陽生於尺動於寸陰生於寸動於尺寸主射上焦出頭及皮毛竟手關主射中焦腹及於腰尺主射下焦小及八日則嘔膿死故上二分而膿發至界而癰腫腹及足也

盡泄而死熱上則熏陽明爛流絡流絡動則脈結發脈結發則爛解故絡交熱氣已上行至頭而動故頭痛齊王中子諸嬰兒小子病召臣意診切其脈告曰氣鬲病病使人煩慊食不下時嘔沫病得之少憂數忤食飲忤者風痺忤然不得動也臣意卽爲之作下氣湯以飲之一日氣下二日能食三日卽病愈所以

知小子之病者診其病心氣也濁躁而經也此絡陽病也脈法曰脈來數病去難而不一者病主在心周身熱脈盛者爲重陽重陽者邊心主八十一難云手心主中宮在中部楊元操云手心主胞絡也自齊已上至帶屬

爲中故煩懣食不下則絡脈有過絡脈有過則血上出血上
焦也出者死此悲心所生也病得之憂也齊郎中令循病眾醫皆
以爲歷人中而刺之臣意診之曰涌疝也令人不得前後洩
飲以火齊湯一飲得前洩再飲大洩三飲而疾愈所以知循
病者切其脈時右口氣急脈經云右手寸口乃氣口也脈無五藏氣右口
寸謂右手脈大而數數者中下熱而涌左爲下右爲上皆無五藏應故曰涌疝中熱故溺赤也齊中御府長信病臣意入診
其脈告曰熱病氣也然暑汗脈少衰不死曰此病得之當浴
流水而寒甚已則熱信曰唯然往冬時爲王使於楚至莒縣
陽周水而莒橋梁頗壞信則孽車轅未欲渡也馬驚卽墮信
身入水中幾死吏卽來救信出之水中衣盡濡有閒而身寒

已熱如火至今不可以見塞臣意即爲之液湯火齊逐熱一
飲汗盡再飲熱去三飲病已即使服藥出入二十日身無病
者所以知信之病者切其脈時并陰脈法曰熱病陰陽交者
死切之不交并陰并陰者脈順清而愈其熱雖未盡而活也
腎氣有時開濁在太陰脈口而希是水氣也腎固主水故以
此知之失治一時即轉爲寒熱齊王太后病召臣意入診脈
曰風痺客脾脾亦作胞膀胱言風痺之病客居在膀胱也難於大小溲溺赤臣意
飲以火齊湯一飲即前後溲再飲病已溺如故病得之流汗
出涓涓者去衣而汗晞也所以知齊王太后病者臣意診其
脈切其太陰之口溼然風氣也脈法曰沈之而大堅脈經云脈大而
堅病出於腎浮之而大緊者素問云脈短實而數有似切澀名曰緊病主在腎腎切

之而相反也脈大而躁者膀胱氣也躁者中有熱而溺赤齋

章武里曹山跗病臣意診其脈曰肺消瘵也加以寒熱卽告

其人曰死不治適其共養此不當醫謂山跗家適近所持財物供養我我不敢當

治法曰後三日而當狂妄起行欲走後五日死卽如期死山

跗病得之盛怒而以接內所以知山跗之病者臣意切其脈

肺氣熱也脈法曰不平不鼓形弊脈經云平謂春肝木王其脈細而長夏心火王其脈

洪大而散六月脾土王其脈大阿阿而緩秋肺金王其脈浮濶而短冬腎水王其脈沈而滑此五藏高之

遠數以經病也故切之時不平而代素問云血氣易處曰不平脈候動不定曰代

不平者血不居其處代者時參擊並至乍躁乍大也此兩絡

脈絕故死不治所以加寒熱者言其人尸奪尸奪者形弊形

弊者不當關炙鑱石及飲毒藥也臣意未往診時齊太醫令

診山跗病炙其足少陽脈口而飲之半夏丸病者即泄注腹

中虛又炙其少陰脈是壞肝剛絕深如是重損病者氣以故

加寒熱所以後三日而當狂者肝一絡連屬結絕乳下陽明

素問云乳下故絡絕開陽明脈陽明脈傷即當狂走後五日

死者肝與心相去五分故曰五日盡盡即死矣齊中尉潘滿

如病小腹痛脈經云脈急痛臣意診其脈曰遺積瘕也龍魚反

云犬狗魚鳥不臣意即謂齊太僕臣饒內史臣繇曰中尉不

熟食之滿瘕廂復白止於內則三十日死後二十餘日洩血死病得之酒且

內所以知潘滿如病者臣意切其脈深小弱其卒然合合也

是脾氣也素問云疾病生於五藏五藏合於六府肝合氣於膽心合氣於小腸脾合氣於胃肺合氣於大腸腎

合氣於膀胱右脈口氣至緊小見瘕氣也以次相乘故三十

曰死三陰俱搏者

素問云左脈口曰少陰少陰之前名厥陰右脈口曰太陰

如法不俱搏

者決在急期一搏一代者近也故其三陰搏洩血如前止陽

虛侯相趙章病召臣意眾醫皆以爲寒中臣意診其脈曰迴

風

風疾洞徹五藏故曰迴風也

迴風者飲食下噎而輒出不留法曰五日

死而後十日乃死病得之酒所以知趙章之病者臣意切其

脈脈來滑是內風氣也飲食下噎而輒出不留者法五日死

皆爲前分界法後十日乃死所以過期者其人嗜粥故中藏

實中藏實故過期師言曰安穀者過期不安穀者不及期濟

北王病召臣意診其脈曰風蹶胸滿卽爲藥酒盡三石病已

得之汗出伏地所以知濟北王病者臣意切其脈時風氣也

心脈濁病法過入其陽陽氣盡而陰氣入陰氣入張則寒氣

上而熱氣下故胸滿汗出伏地者切其脈氣陰陰氣者病必入中出及灑水也齊北宮司空命婦出於病眾醫皆以爲風入中病主在肺刺其足少陽脈臣意診其脈曰病氣疝客於膀胱難於前後洩而溺赤病見寒氣則遺溺使人腹腫出於病得之欲溺不得因以接內所以知出於病者切其脈大而實其來難是蹶陰之動也脈來難者疝氣之客於膀胱也腹之所以腫者言蹶陰之絡結小腹也蹶陰有過則脈結動動則腹腫臣意即炙其足蹶陰之脈左右各一所即不遺溺而洩清小腹痛止即更爲火齊湯以飲之三日而疝氣散即愈故濟北王阿母王乳母自言足熱而懣臣意告曰熱蹶也則刺其足心各三所案之無出血病旋已病得之飲酒大醉濟北

王召臣意診脈諸女子侍者至女子豎豎無病臣意告永巷

長曰豎傷脾不可勞法當舂嘔血死臣意言王曰才人女子

豎何能王曰是好爲方多伎能爲所是案新法

謂於舊方伎能生新意也

往年市之民所四百七十萬曹偶四人

案當今之四千七百貫也曹偶猶等輩也

王曰得毋有病乎臣意對曰豎病重在死法中王召視之其

顏色不變以爲不然不賣諸侯所至舂豎奉劒從王之廁王

去豎後王令人召之即仆於廁嘔血死病得之流汗流汗者

同法病內重毛髮而色澤脈不衰此亦關內之病也齊中大

夫病齲齒齲齒也臣意灸其左大陽明脈即爲苦參湯日漱三

升出入五六日病已得之風及臥開口食而不嗽菑川王美

人懷子而不乳來召臣意臣意往飲以葢藹藥一撮以酒飲

之旋乳臣意復診其脈而脈躁躁者有餘病卽飲以消石一
齊出血血如豆比五六枚齊丞相舍人奴從朝入宮臣意見
之食閨門外望其色有病氣臣意卽告宦者平平好爲脈學
臣意所臣意卽示之舍人奴病告之曰此傷脾氣也當至春
鬲塞不通不能食飲法至夏泄血死宦者平卽往告相曰君
之舍人奴有病病重死期有日相君曰卿何以知之曰君朝
時入宮君之舍人奴盡食閨門外平與倉公立卽示平曰病
如是者死相卽召舍人奴而謂之曰公奴有病不舍人曰奴
無病身無痛者至春果病至四月泄血死所以知奴病者脾
氣周乘五藏傷部而交故傷脾之色也望之殺然黃察之如
死青之茲眾醫不知以爲大蟲

卽蚯蟲

不知傷脾所以至春死

病者胃氣黃黃者土氣也土不勝木故至春死所以至夏死者脈法曰病重而脈順清者曰內關內關之病人不知其所痛心急然無苦若加以一病死中春一愈順及一時其所以四月死診其人時愈順愈順者人尙肥也奴之病得之流汗數出灸於火而以出見大風也菑川王病召臣意診脈曰蹶上爲重頭痛身熱使人煩懣臣意卽以寒水拊其頭刺足陽明脈左右各三所病旋已病得之沐髮未乾而臥診如前所以蹶頭熱至肩齊王黃姬兄黃長卿家有酒召客召臣意諸客坐未上食臣意望見王后弟宋建告曰君有病往四五日君要脅痛不可挽仰又不得小溲不亟治病卽入濡腎及其未舍五藏急治之病方今客腎濡

正義曰濡溺也病方客在腎欲溺腎也

此所

謂腎脾也宋建曰然建故有要脊痛往四五日天雨黃氏諸

倩

方言東齊之倩

京者倉廩之屬

見建家京下方石

之効之不能起卽復置之暮要脊痛不得溺至今不愈建病

得之好持重所以知建病者臣意見其色太陽色乾腎部上

及界要以下者枯四分所故以往四五日知其發也臣意卽

爲柔湯使服之十八日所而病愈濟北王侍者韓女病要背

痛寒熱眾醫皆以爲寒熱也臣意診其脈曰內寒月事不下

也卽竄以藥

以藥

旋下病已病得之欲男子而不可得也

所以知韓女之病者診脈時切之腎脈也齋而不屬齋而不

屬者其來難堅故曰月不下肝脈弦出左口故曰欲男子不

可得也臨菑汜里女子薄吾病甚眾醫皆以爲寒熱篤當死

不治臣意診其脈曰蟯瘕

人腹中短蟲

蟯瘕爲病腹大上膚黃羸

循之戚戚然臣意飲以芫華一撮卽出蟯可數升病已三十

日如故病蟯得之於寒溼寒溼氣宛篤不發化爲蠱臣意所

以知寒溼吾病者切其脈循其尺

寸謂三分尺謂八分寸在關上尺在關下

其

尺索刺蠱而毛美奉髮

言循其尺索刺人手而蠱是婦是蟲人之病也奉一作秦秦爲蠱首是蟲

氣也其色澤者中藏無邪氣及重病齊淳于司馬病臣意切

其脈告曰當病迴風迴風之狀飲食下噎輒後之

如病得之

飽食而疾走瀉于司馬曰我之王家食馬肝食飽甚見酒來

卽走去驅疾至舍卽泄數十出臣意告曰爲火齊米汁飲之

七八日而當愈時醫秦信在旁臣意去信謂左右閭都尉曰

索隱曰閭卽宮閭都尉掌之故曰閭都尉也

意以淳于司馬病爲何曰以爲迴風

可治信卽笑曰是不知也淳于司馬病法當後九日死卽後九日不死其家復召臣意臣意往問之盡如意診臣卽爲一火齊米汁使服之七八日病已所以知之者診其脈時切之盡如法其病順故不死齊中郎破石病臣意診其脈告曰肺傷不治當後十日丁亥溲血死卽後十一日溲血而死破石之病得之墮馬僵石上所以知破石之病者切其脈得肺陰氣其來散數道至而不一也色又乘之所以知其墮馬者切之得番陰脈番陰脈入虛裏乘肺脈肺脈散者固色變也乘之所以不中期死者師言曰病者安穀則過期不安穀則不及期其人嗜黍黍主肺故過期所以溲血者診脈法曰病養喜陰處者順死養喜陽處者逆死其人喜自靜不躁又久安

坐伏几而寐故血下泄齊王侍醫遂病自練五石服之臣意
往過之遂謂意曰不肖有病幸診遂也臣意卽診之告曰公
病中熱論曰中熱不洩者不當服五石石之爲藥精悍公服
之不得數洩亟勿服色將發臃遂曰扁鵲曰陰石以治陰病
陽石以治陽病夫藥石者有陰陽水火之齊故中熱卽爲陰
石柔齊治之中寒卽爲陽石剛齊治之臣意曰公所論遠矣
扁鵲雖言若是然必審診起度量立規矩稱權衡合色脈表
裏有餘不足順逆之法參其人動靜與息相應乃可以論論
曰陽疾處內陰形應外者不加悍藥及鑱石夫悍藥入中則
邪氣辟矣辟聚也而宛氣愈深診法曰二陰應外一陽接內者
不可以剛藥剛藥入則陽動陰病益衰陽病益著邪氣流行

爲重困於愈忿發爲疽意告之後百餘日果爲疽發乳上入

缺盆死

缺盆人乳上骨名

此謂論之大體也必有經紀拙工有一不

習文理陰陽失矣齊王故爲陽虛侯時病甚眾醫皆以爲歷

臣意診脈以爲痺根在右脇下大如覆杯令人喘逆氣不能

食臣意卽以火齋粥且飲六日氣下卽令更服丸藥出入六

日病已病得之內診之時不能識其經解大識其病所在臣

意常診安陽武都里成開方自言以爲不病臣意謂之

病若脊風

風病之名

三歲四支不能自用使人瘡瘡卽死今聞其

四支不能用瘡而未死也病得之數飲酒以見大風氣所以

知成開方病者診之其脈法奇咳言曰藏氣相反者死切之

得腎反肺法曰三歲死也安陵阪里公乘項處病

公乘官名項姓處名

臣意診脈曰牡疝牡疝在鬲下上連肺病得之內臣意謂之

慎毋爲勞力事則必嘔血死處後蹴踔要臈寒汗出多卽嘔

血臣意復診之曰當旦日日夕死言明日之夕死也卽死病得之內

所以知項處病者切其脈得番陽脈病之名曰番陽者言其陽脈起入虛裏番陽

入虛裏處旦日死一番一絡者牡疝也問臣意曰吏民嘗有

事學意方及畢盡得意方不何縣里人對曰臨菑人宋邑邑

學臣意教以五診歲餘濟北王遣太醫高期王禹學臣意教

以經脈高下及奇絡結素問云奇經八脈往來舒時一止而復來名之曰結當論俞所

居及氣當上下出入邪逆順以宜鑱石定砭炙處歲餘菑川

王時遣太倉馬長馮信正方臣意教以案法逆順論藥法定

五味及和齊湯法高永侯家丞杜信喜脈來學臣意教以上

下經脈五診二歲餘臨菑召里唐安來學臣意教以五診上
下經脈奇咳四時應陰陽重未成除爲齊王侍醫宣帝時有
女醫淳于衍成帝時侍醫李柱國校方技醫藥劉向錄而奏
之故有方技略方技凡四家醫經家醫經者原人血脈經落
骨髓陰陽表裏以起百病之本死生之分而周度箴石湯火
所施箴所以刺病石謂砭石卽石箴也調百藥齊和之所宜至齊之得猶慈

石取鐵以物相使拙者失理以療爲劇以生爲死同差也經

方者本草石之寒溫量疾病之淺深假藥味之滋因氣感之

宜辯五苦六辛致水火之齊以通閉解結反之於平及失其

宜者以熱益熱以寒增寒精氣內傷不見於外是所獨失也

故諺曰有病不治常得中醫張機字仲景南陽人受業於同郡張伯祖善於治療尤精經方

所著有傷寒論三十二篇爲後世方脈之祖

後漢太醫令一人六百石掌諸醫藥丞方丞各一人藥丞主

藥方丞主藥方又有醫工長太醫丞東平王蒼到國病詔遣太醫丞將高手醫視病

和帝時有太醫丞郭玉學方診六徵之技多效應而醫療貴

人或不愈帝乃令貴人羸服變處一鍼卽差召玉詰問狀對

曰醫之爲言意也腠理至微腠理皮膚之間隨氣用巧鍼石之間毫

芒卽乖神存於心手之際可得解而不可得言也夫貴者處

尊高以臨臣臣懷怖懾以承之其爲療也有四難焉自用意

而不任臣一難也將身不謹二難也骨節不彊不能使藥三

難也好逸惡勞四難也帝善其對

魏太祖積苦頭風每發目眩心亂召華佗鍼之隨手而差佗

常在左右後求歸取方因妻病數日失期太祖累書呼之佗恃能厭事猶不肯至太祖大怒逮詣許獄考驗殺之佗出書經與獄吏吏不敢受索火焚之

晉太醫令史銅印墨綬進賢一梁冠絳朝服初屬宗正江左省宗正以太醫給門下省司馬景王嬰孩時有目疾宣王令華佗治之出服腫割其疾而納之

藥傳

宋置太醫令丞

劉涓子於丹陽郊外較射有物高二尺許射而中之走如電激聲若風雨夜不敢追明日

至山下見一小兒問曰何往小兒曰主人昨夜為劉涓子所射取水以洗瘡因問主人是誰答曰是黃父鬼乃依小兒還未至聞擣藥聲遙見三人一臥一人闕書一人擣藥即齊聲叫突而前三人並走遺一癰疽方並一曰藥涓子得之從宋武帝北征有被創者以藥塗之隨手而愈

晉代以上手醫子弟代習者令助教

部教之宋元嘉二十年太醫令秦承祖奏置醫學以廣教授

至三十年省

齊太醫令丞各一人屬起部又屬領軍

東莞太守徐文伯兄弟皆善醫藥子雄員

外散騎侍郎醫術爲江左所稱

梁門下省令監典御藥太醫令屬焉東宮置中藥局諸王國

置典醫丞

陶宏景字通明性好醫方修撰神農本草經三卷撰真誥十卷集驗方五卷廣裁後方爲一百卷世

所施用多

姚僧垣爲太醫正武帝嘗發熱服大黃僧垣曰大

黃快藥至尊年高不宜輕用帝弗從遂至病篤元帝嘗有心

腹病諸醫皆請用平藥僧垣曰脈洪實宜用大黃元帝從之

進湯訖果下宿食因而疾愈梁亡入周

後魏太醫博士正八品中太醫助教正九品中

周滄爲太醫令明元嘗苦

頭風眩澹療得愈由此位特進

獻文置病人於幕中使徐審隔而脈之深得

病形兼知色候文明太后時問經方孝文幸縣瓠有疾大漸
乃馳驛召蹇至診省有大驗帝乃爲蹇設太官珍膳因集百
官特坐蹇上席徧陳饋餉命左右宣蹇救攝危篤振濟之功
下詔褒美

北齊門下省統尙藥局典御二人

徐之範爲尙藥典御以侍
醫術見知位太常卿

御師四人尙藥監四總御藥之事又集書省統三局有中尙
藥局典御二人丞二人中謁者僕射二人總知中官醫藥之
事藏局監丞各二人侍醫四人武明皇太后不豫徐之才療
之應手便愈武成酒色過度怳忽不恆曾病發自云初見空
中有五色物稍近變成一美婦人去地數丈亭亭而立食頃
變爲觀世音之才云此色欲多大虛所致卽處湯方服一劑

便覺稍遠又服還變成五色物數劑湯疾竟愈

後周太醫小醫下大夫醫正上士中士主藥食醫醫正並下士醫生三百人武帝至河陰遇疾口不能言臉垂覆目不能視一足短縮又不能行姚僧垣以爲諸藏俱病不可並療軍中之要莫過於語乃處方進藥帝遂得言次又療目目疾便愈未及足足疾亦瘳比至華州帝已痊復宣帝初在東宮常苦心痛乃令僧垣療之其疾卽愈大象二年除太醫下大夫撰集驗方十二卷行記三卷行於世

隋尙食局食醫四人尙藥局典御二人侍御醫直長各四人醫師四十人太醫署有主藥二人醫師二百人藥園師醫博士助教按摩博士祝禁博士各二人煬帝時置尙藥奉御二

人直長四人又有侍御醫司醫醫佐等員太醫又置醫監五人正十人

唐尙藥奉御掌合和御藥及診候之事直長爲之貳凡藥有上中下之三品上藥爲君養命以應天中藥爲臣養性以應人下藥爲佐療病以應地遞相宣攝而爲用凡合藥宜用一君三臣九佐方家之大經也必辨其五味三性七情然後爲和劑之節五味謂酸鹹甘苦辛酸屬肝鹹屬腎甘屬脾苦屬心辛屬肺三性謂寒溫平七情謂有單行者有相須者有相使者有相畏者有相惡者有相反者有相殺者其用又有四焉曰湯丸膏散視其病之淺深所在而服之診脈辨寸關尺三部以調四時沈浮滑澀之節而知病之所在在胃膈者先

食而後服藥在心腹者先服藥而後食凡合和御藥與殿中

監視其分劑藥成先嘗而進焉

合藥供御門下中書司別長官一人并當上大將軍衛別

一人與殿中監尚藥奉御等監視藥成醫佐以上先嘗然後封印寫本方方後具注年月日監藥者徧署名具奏餌藥之日尚藥奉御先嘗次殿中監

侍御醫掌診候調和司醫醫佐

掌分療眾疾主藥藥童掌刮削擣篩按摩師咒禁師所掌如

太醫之職藥藏局藥藏郎掌和齊醫藥之事丞爲之貳凡太

子有疾命侍醫入診候以議方藥應進藥命藥僮擣篩之侍

醫和成之將進宮臣監先嘗如尚藥局之職太醫令掌諸醫

藥之法丞爲之貳其屬有四曰醫師鍼師按摩師咒禁師皆

有博士以教之其考試登用如國子監之法諸醫鍼生讀本

草者卽令識藥形而知藥性讀明堂者卽令檢圖識其孔穴

讀脈訣者卽令遞相診候使知四時浮沈瀦滑之狀讀素問
黃帝鍼經甲乙脈經皆使精熟博士月一試太醫令丞季一
試太常丞年終總試若業術過於見任官者卽聽補替其在
學九年無成者皆退從本色凡醫師醫正醫工療人疾病以
其痊多少而書之以爲考課每歲常合傷寒時氣癰痢傷中
金鎗之藥以備人之疾病者
藥園師以時種蒔收採諸藥京師置藥園一所擇良田三頃
取庶人十六已上二十已下充
成藥園生業
補藥師凡藥有陰陽配合子母兄弟根葉花實草石骨肉
之異及有毒無毒陰乾採造時月皆分別焉凡藥八百五十
種三百六十神
農本草一百八十二名醫別錄一百十四
新修本草新附一百九十四有名無用皆辨其所出州土
每歲貯納擇其良者而進焉醫博士掌以醫術教授諸生習
本草甲乙脈經分而爲業一曰體療二曰瘡腫三曰少小四

曰耳目口齒五曰角法

諸醫士既讀諸經乃分業教習率二十人以十一人學體療三人學瘡腫

三人學少小二人學耳目口齒一人學角法體療者七

年成少小及瘡腫五年耳目口齒之疾并角法二年成

士掌教鍼生以經脈孔穴使識浮沈瀉滑之候又以九鍼爲

補瀉之法一曰鑱鍼取法於布鍼長一寸六分大其頭銳其

末令不得深入主熱在皮膚者二曰圓鍼取法於絮鍼長一

寸六分主療分間氣三曰鍤鍼取法於黍粟之銳長二寸半

主邪氣出入四曰鋒鍼取法於絮鍼長一寸六分刃三隅主

決癰出血五曰劒鍼取法於劒令其末如劒鋒廣二分半長

四寸主決大癰腫六曰圓利鍼取法於釐直圓銳長一寸六

分主取四支癰暴痺七曰豪鍼取法於豪毛長一寸六分主

寒熱痺在胎者八曰長鍼取法於綦鍼長七寸主取深邪遠

痺九曰火鍼取法於鋒長四寸主取火氣不出關節凡此九

鍼以法九州九野之分九鍼之形及所主疾病畢矣凡鍼疾

先察五臟有餘不足而補瀉之人心藏神肺藏氣肝藏血脾

津液以成四支九竅十六節三百凡鍼生習業者教之如醫

生之法鍼生習素問黃帝鍼經明堂脈訣兼習流注偃側等

堂脈訣按摩博士掌教按摩生以消息導引之法以除人八

疾一曰風二曰寒三曰暑四曰溼五曰飢六曰飽七曰勞八

曰逸凡人支節府藏積而疾生導而宣之使內疾不留外邪

不入若損傷折跌者以法正之咒禁博士掌教咒禁生以咒

禁拔除邪魅之爲厲者有道禁出於山居方術之士有禁咒

出於釋士以五神神之一曰存思二曰禹步三曰營目四曰

掌決五曰手印皆先禁食葷血齋戒於疆場以受焉凡諸州
每年任土所出藥物可用者隨時收採以給人之疾患皆預
台傷寒時氣瘡痢等藥部內有疾患者隨須給之州郡醫學
博士掌療民疾貞觀三年置博士及學生開元元年諸州置
助敎未幾博士學生皆省僻州少醫藥者如
故二十七年復置醫學生掌州境巡療永泰元年復置醫學
博士三部郎督府上州中州各有助敎三都學生三十人都
督府上州二十人
中州下州十人開元十一年七月制置階品博士同錄事
每州寫本草百一集驗方與經史同貯九月御撰廣濟方五
卷頒天下自後諸州府應闕醫博士宜令長史各自訪求選
試取人藝業優長堪効用者具以名聞已出身人及前資官
便與正授其未出身且令權知四考後州司奏與正授餘准
恆式吏部更不須選集武德中關中多骨蒸病得之必死遞
相染比許允宗每療皆愈或謂曰何

不著書以貽將來答曰醫乃意也在人思慮有脈候幽微苦其難別意之所解口莫能宣古之名手唯是別脈然後識病之於藥有正相當者唯須單用一藥直攻彼病立即可愈今人不能別脈莫識病源以情意度多用藥味譬之於獵不識兔處多發人馬空廣遮圍或冀一人偶然逢也如此療病不亦疏乎既不可言故無著述

宋尙藥局掌和劑診候之事置醫師御藥院句當官掌案驗祕方以時劑和藥品以進御及供奉禁中之用典八人藥童十一人匠七人太醫局有丞有教授有九科醫生額三百人歲終則會其全失而定其賞罰熙寧九年以知制誥熊本提舉大理寺丞單驤管幹後詔勿隸太常寺置提舉一判局二判局選知醫事者爲之科置教授一選翰林醫官以下與上等學生及在外良醫爲之學生常以春試取合格者三百人爲額設三科以教之曰方脈科鍼科瘍科凡方脈以素問難

經脈經爲大經以巢氏病源龍樹論千金翼方爲小經鍼瘍
科則去脈經而增三部鍼灸經大學律學武舉生諸營將士
疾病輪往治之各給印紙書其狀歲終稽其功緒爲三等第
補之上等月給錢十五千毋過二十人中者十千毋過三十
人下等五千毋過五十人失多者罰黜之受兵校錢物者論
如監臨強乞取法三學生願預者聽受而禁邀求者崇寧閒
改隸國子監置博士正錄各四員分科教導糾行規矩立上
舍四十人內舍六十外舍二十齋各置長諭一人其考試第
一場問三經大義五道次場方脈試脈證運氣大義各二道
鍼瘍試小經大義三道運氣大義二道三場假令治病法三
道中格高等爲尙藥局醫師以下職餘各以等補官爲本學

博士正錄及外州醫學教授醫官有和安成和成安成全大

夫舊爲軍器使保安大夫舊爲西使保和舊爲樞密使翰林良醫舊爲

翰林醫官和安成全郎舊爲軍器副使保和郎舊爲西使

保安郎舊爲樞密使翰林醫正舊爲翰林醫官副使翰林醫官翰林醫效翰

林醫痊翰林醫愈翰林醫證翰林醫診翰林醫候翰林醫學

舊諸司使副有醫官使及副使自太醫丞直院轉醫官副使

敘遷年格一同武官政和初醫官十有四階和安大夫視樞

易使以上翰林良醫視醫官使和安郎以下視東副使醫官

副使以醫正易之紹興中復置醫學以醫師主之翰林局醫

生並奏試人並試經義一十二道取六通爲合格乾道三年

罷局而存御醫諸科後更不置局而存西醫學科令每舉附

省闈別試所解發太常寺掌行其事淳熙十五年命內外白
身醫士經禮部先附銓闈試脈義一場三道取其二通者赴
次年省試經義三場一十二道以五通爲合格五取其一補
醫生俟再赴省試升補八通翰林醫學六通祇候其特補薦
並停紹熙二年復置太醫局局生以百員爲額餘並依前例
先是仁宗在位哀病者乏良藥爲願慶厯善救方知雲安軍
王端請官爲給錢和藥予民遂行於天下嘗因京師大疫命
太醫和藥出犀角二本析而視之其一通天犀內侍李舜舉
請畱供帝服御帝曰吾豈貴異物而賤百姓竟碎之又獨公
私僦舍錢十日令太醫擇善察脈者卽縣官授藥審處其疾
狀予之無使貧民爲庸醫所誤崇寧初蔡京當國置安濟坊

募僧主之三年醫愈千人賜紫衣祠部牒各一道醫者人給手牒以書所治痊人歲經考其數爲殿最諸城寨鎮市戶及于以上有知監者依各縣增置安濟坊

遼太醫局有都林牙

珠勒呼能醫專事鍼灸太宗時以太南醫給侍當撰脈經諸鍼灸書行於世

面內侍省有湯藥局置都提領句當湯藥

金太醫官舊止七階天眷制立爲十五階從四品上保宜大夫中保康大夫下保平大夫正五品上保頤大夫中保安大夫下保和大夫從五品上保善大夫中保嘉大夫下保順大夫正六品上保合大夫下保沖大夫從六品上保愈郎下保全郎正七品上成正郎下成安郎從七品上成順郎下成和郎正八品上成愈郎下成全郎從八品上醫全郎下醫正郎

正九品上醫效郎下醫候郎從九品上醫痊郎下醫愈郎尙

藥局提點使副使掌進湯藥太醫院提點使副使判官掌諸

醫藥總判院事管勾隨科至十人以術精者充正奉太醫

一百二十副奉太醫不第長行太醫不第十科額五十人

御藥院提點直長掌進御湯藥明昌五年設以都監員不限同

院不常惠民司令掌修合發賣湯藥舊設丞一員大定三年

有司言惠民歲入息錢不償官吏俸上曰設此本欲濟民官

非人怠於監視藥物財費何所計哉可減員而已立直長及

都監凡醫學十科大興府學生三十人餘京府二十人散府

節鎮十六人防禦州十人每月試疑難以所對優劣加懲勸

三年一次試諸太醫雖不係學生亦聽試補紀天錫註難經五卷大定十五

大典通考卷五十八

五

年上其書授
醫學博士

元太醫院掌醫事製奉御藥物領各屬醫職中統元年置宣
差提點太醫院事給銀印後改爲尙醫監尋復爲太醫院御
藥院掌受各路鄉貢諸蕃進獻珍貴藥品修造湯煎至元六
年置御藥局掌兩都行篋藥餌至元十年置大德九年分立
行御藥局掌行篋藥物本局但掌上都藥倉之事廣惠司掌
修製御用回回藥物及和劑以療諸宿衛士及在京孤寒者
至元七年始置提舉後定置司卿少卿司丞等員大都上都
回回藥物院二掌回回藥事至元二十九年置至治二年撥
隸廣惠司詹事府典醫監領東宮太醫修合供進藥餌至元
十九年置典醫署後改掌醫署大德十一年立典醫監達魯

噶齊二卿三太監少監各二丞二吏屬十八人其屬司一局
二廣濟提舉司掌修合藥餌以施貧民行典藥局掌供奉東
宮藥餌典藥局掌修製東宮藥餌司局各有達嚕噶齊大使
副使直長等員徽政院掌醫監領監官達嚕噶齊各一員卿
四太卿太監各五少監六丞二修合司藥正司掌藥六人掌
修合御用藥餌行篋司藥局掌供奉御用藥餌廣濟提舉司
掌修合藥餌以濟貧民大都惠民局掌收官錢經營出息市
藥修劑以惠貧民受太醫院劄上都惠民司提點司令各一
員醫學提舉司掌考校諸路醫生課義試驗太醫教官校勘
名醫撰述文字辨驗藥材訓誨太醫子弟領各處醫學提舉
副提舉各一員官醫提舉司掌諸醫差役詞訟諸路總管府

醫學教授一員惠民藥局提領一員初太宗九年始於燕京等十路置局以奉御田庫庫太醫王璧齊楫等爲局官給銀五百定爲規運之本世祖中統二年又命王祐開局四年復置局於上都每中統鈔一百兩收息錢一兩五錢至元二十五年以陷失官本悉罷革之至成宗大德三年又準舊例於各路置焉凡局皆以各路正官提調所設良醫上路二名下路府州各一名其所給鈔本亦驗民戶多寡以爲等差腹裏七百人十定河間行省二百七十定湖廣行省一千一百五十定遼陽行省二百四十定四川行省二百四十定陝西行省二百四十定江西行省三百定江浙行省二千六百一十五定雲南行省眞財一萬一千五百索甘肅行省一百定明太醫院院使一院判二其屬御醫十八人吏目一生藥庫惠民藥局各大使副使一人以掌醫療之法凡醫術十三科

醫官醫生醫士專科肄業曰大方脈曰小方脈曰婦人曰瘡
瘍曰鍼灸曰眼曰口齒曰接骨曰傷寒曰咽喉曰金鏃曰按
摩曰祝凡醫家子弟擇師而教之三年五年一試再試三試
而黜陟之凡藥辨其土宜擇其良楮慎其條製而用之四方
解納藥品使副收貯生藥庫時其燥溼禮部委官稽察之診
視御脈使判御醫參看校同會內臣就內局選藥連名封記
藥劑具本開寫藥性證治之法以奏烹調御藥院官與內臣
監視每二劑合爲一候熟分二器一御醫內臣先嘗一進御
仍置歷簿用內印鈐記細載年月緣由以憑考察王府請醫
本院奉旨遣官或醫士往文武大臣或外國君長有疾亦奉
旨往視其治療可否皆具本覆奏外府州縣置惠民藥局邊

關衛所及人聚處各設醫生醫士或醫官俱由本院試遣歲終會察其功過而黜最之以憑陟黜明初卽設醫學提舉司置提舉同提舉副提舉醫學教授學正官醫提領等官尋改爲太醫院設少監監丞吳元年改監爲院設院使同知院判典簿等官洪武三年置惠民藥局府設提領州縣設官醫六年置御藥房於內府十四年改定品員設御醫吏目如文職授散官二十二年復院令爲院使丞爲院判嘉靖中改御藥房爲聖濟殿詔御醫殿中輪直供事內侍省御藥房提督太監正副二員近侍醫官無定員掌御用藥餌與太醫院官相表裏南京太醫院院判一人吏目一人惠民藥局生藥庫各大使一人醫學府正科一人從九品州典科一人縣訓科一

人洪武十七年置設官不給祿

論曰古之帝王察天地二氣五行之變遷與生人飲食
腹胃之強弱於是嘗百草而辨其味知其剛柔寒溫輕
重緩急分爲上中下三品以延壽命以祛傷害至於身
歷艱險而不辭神農之一日遇七十毒是也黃帝以來
遂有成書後之單究其業者謂之經方至於今相傳而
不廢周人立三師之官使變理陰陽陰陽旣和百穀以
時民無疵癘天札之患至矣西師所掌專以治邦之疾
病疔瘍者而其籍藏在故府其法守在官司大抵三代
之所承用黃帝之所以療濟生人者也語曰上醫醫國
其次醫人三公論道治亂於未形是謂醫國醫師守術

遇疾於方萌是謂醫人二者皆默與造化之消息相通
非苟焉以一職一技自效者故均名之曰師焉周衰有
扁鵲秦和之徒論病以及國原診以知政其於古聖人
立法之意蓋猶十得其七八及漢魏以降元氣日削災
疫頻興上之人往往遣醫賜藥以拯一時之急其特書
於諸帝本紀中者不一而足矣至唐作六典所述醫官
方藥尤詳由宋及明有惠民之局有廣濟之司史冊志
之以爲美談夫生生之道係於治化未可以小數言也
古之人君修身建極以順五行之序是以民皆老壽康
強有五福而無六極後世則不然宰相不知調變於上
百司弗克承宣於下不幸而天降之戾則汲汲焉遣醫

官布方藥民雖被其惠而死者已不可勝數是亦梁惠王移粟兩河之故智耳惡足以知王政之大體哉孟子曰先王有不忍人之心斯有不忍人之政齊宣王有牽牛而過堂下者曰吾不忍其觳觫以羊易之推是心遂足以致王今歷代所行之法雖不能遠比於先王然亦可稱仁術之一端孟子所謂苟能充之足以保四海者也若夫前史所傳良醫多矣或隨方士所宜而未必可通行於天下或僅利一人一家而未必能周暨於無窮故悉略而勿論云